

Broj: 03-03-Van. sjed- 527/23
Datum 23.04.2023. god.

Na osnovu člana 135. Zakona o visokom obrazovanju („Sl. Novine K. Sarajevo”, broj 33/17) i člana 30. Pravila Fakulteta Vijeće Fakulteta na vanrednoj sjednici održanoj dana 23.04.2023. godine, donosi

ODLUKU
o dopuni poslovnika o radu
Upravnog odbora Fakulteta islamskih nauka u Sarajevu
od 19. 07. 2016. godine

I

Usvaja se dopuna Poslovnika o radu Upravnog odbora Fakulteta islamskih nauka u Sarajevu od 19. 07. 2016. godine, kako slijedi

Dosadašnji član 5. koji glasi:

Član 5.
(Redovne i vanredne sjednice)

Sjednice se održavaju najmanje jedanput u dva mjeseca (u daljnjem tekstu: redovne sjednice), a češće po ukazanoj potrebi (u daljnjem tekstu: vanredne sjednice)

mijenja se i dopunjava, i sada glasi:

- „(1) Sjednice održavaju se u pravilu jedanput u dva mjeseca (u daljnjem tekstu: redovne sjednice), a češće po ukazanoj potrebi (u daljnjem tekstu: vanredne sjednice).
- (2) Vanredne i tematske sjednice održavaju se kada zbog posebnih okolnosti za njima nastane potreba.
- (3) Izuzetno, u slučaju potrebe hitnog donošenja odluka i zaključaka o pitanjima iz nadležnosti Upravnog odbora, kao i u okolnostima kada je odlukama nadležnih državnih tijela proglašeno stanje prirodne ili druge nesreće i/ili kada postoji potencijalna opasnost po sigurnost i zdravlje članova u slučaju održavanja sjednica na Fakultetu, Upravni odbor može održati sjednicu i elektronskim putem (elektronska sjednica).
- (4) Ukoliko se sjednica održava elektronskim putem, članovima se putem elektronske pošte, pored poziva na sjednicu, dnevnog reda i pratećih materijala, dostavlja i obrazloženje razloga za održavanje elektronske sjednice sa prijedlogom odluka/zaključaka po pojedinim tačkama dnevnoga reda.
- (5) U pozivu za sjednicu koja se održava elektronskim putem, članovima se ostavlja rok do kojeg se mogu izjasniti o prijedlozima odluka/zaključaka po pojedinim tačkama dnevnoga reda.
- (6) Članovi su dužni na elektronskoj sjednici izjasniti se o svakoj tački dnevnog reda na način da se u poruci elektronske pošte navede broj tačke dnevnog reda o kojoj se izjašnjava uz navođenje „za”, „protiv” ili „suzdržan”.
- (7) U slučaju da o kandidiranom pitanjima na dnevnom redu nije dopušteno, prema Zakonu o visokom obrazovanju, izjašnjavanje sa „suzdržan“, članovi su dužni u poruci elektronske pošte, uz broj tačke dnevnog reda navesti izjašnjenje „za“ ili „protiv“.

(8) Uz izjašnjenje o tački dnevnog reda, član može dostaviti obrazloženje i zahtijevati da se ono unese u zapisnik sa sjednice.

(9) Elektronska sjednica je održana pod uvjetom da je više od polovine članova putem elektronske pošte potvrdilo prijem poziva za održavanje elektronske sjednice i izjasnilo se o predloženim tačkama dnevnog reda.

(10) Predsjedavajući će, u roku od 24 sata od isteka roka za izjašnjavanje članova, putem elektronske pošte obavijestiti članove da li je na elektronskoj sjednici postojao kvorum za odlučivanje i o rezultatima izjašnjavanja o svakoj pojedinoj tački dnevnog reda.“

Dosadašnja tačka 6. Održavanje i tok sjednice

Član 20.

(Prisustvo sjednicama Upravnog odbora)

(1) Predsjednik i članovi Upravnog odbora imaju pravo i dužnost da prisustvuju sjednicama i učestvuju u radu Upravnog odbora. U slučaju spriječenosti da prisustvuju sjednici, predsjednik i članovi Upravnog odbora dužan je obavijestiti člana Upravnog odbora iz st. 1. člana 8. Poslovnika, dok su članovi Upravnog odbora dužni obavijestiti predsjednika Upravnog odbora i to najkasnije dan uoči održavanja sjednice, a u opravdanim slučajevima najkasnije do početka održavanja sjednice.

mijenja se, i sada glasi:

(1) Predsjednik i članovi Upravnog odbora imaju pravo i dužnost da prisustvuju sjednicama i učestvuju u radu Upravnog odbora. U slučaju spriječenosti da ne može prisustvovati sjednici, predsjednik i članovi Upravnog odbora dužni su obavijestiti člana Upravnog odbora iz st. 1. člana 8. Poslovnika, dok su članovi Upravnog odbora dužni obavijestiti predsjednika Upravnog odbora i to najkasnije dan uoči održavanja sjednice, a u opravdanim slučajevima najkasnije do početka održavanja sjednice

Član 21.

(Kvorum za održavanje sjednice i odlučivanje o dnevnom redu sjednice)

(1) Sjednica će se održati ako joj prisustvuje najmanje četiri (4) člana Upravnog odbora (kvorum).

mijenja se, i sada glasi:

(1) Sjednica će se održati ako joj prisustvuje najmanje tri (3) člana Upravnog odbora (kvorum).

(3) Predsjednik Upravnog odbora će odložiti sjednicu i narednu zakazati najkasnije u roku od sedam (7) dana ako sjednici ne prisustvuje propisan broj članova Upravnog odbora iz st. 1. ovog člana.

mijenja se, i sada glasi:

- (2) Predsjednik Upravnog odbora će odložiti sjednicu i narednu zakazati najkasnije u roku do sedam (7) dana ako sjednici ne prisustvuje propisan broj članova Upravnog odbora iz st. 1. ovog člana

Predsjednik Upravnog odbora
Dr. Enes Ljevaković

Dostavljeno:

- 1x Upravni odbor
- 1x Uz zapisnik
- 1x a/a.

